



Cód: QA246
Teideal: **Comhpháirtíochtaí Comhoibríocha**
Dáta: 06/06/2018
Faomhadh: Foghlaim, Teagasc agus Measúnacht

1.0 Aidhm

Faomhadh agus athbhreithniú ar chomhpháirtíochtaí comhoibríocha as a dtagann dámhachtainí OÉ Gaillimh

2.0 Cur síos

Is comhaontuithe foirmiúla iad comhpháirtíochtaí comhoibríocha le heagraíochtaí tríú páirtí chun clár mhúinte as a mbronntar dámhachtainí OÉ Gaillimh a dhearadh agus/nó a sheachadadh. I measc na samplaí de chomhaontuithe tá:

- **Comhaontuithe idirghníomhaíochta** a earcaíonn mic léinn ó Ollscoileanna eile go dtí céimeanna níos déanaí de chlár shonracha in OÉ Gaillimh
- **Comhchéimeanna/céimeanna dúbailte nó ilchéimeanna** ina dtugann mic léinn faoi chlár amháin agus ina bhfaigheann siad dámhachtainí ó gach Ollscoil chomhpháirtíochta
- **Comhchéimeanna taighde** ina ndéanann mic léinn clár amháin ina bhfuil gnéithe ó dhá Ollscoil ar a laghad agus ina bhfaigheann siad comhdámhachtain amháin ó na hOllscoileanna rannpháirteacha uile
- **Clár Comhoibríocha** ina ndéanann dhá Ollscoil nó níos mó clár a fhorbairt agus a sheachadadh i gcomhpháirt ach ní bhronnann OÉ Gaillimh ach céim ar a mic léinn chláraithe féin amháin
- **Soláthraithe Nasctha** i gcás nach bhfuil institiúidí eile in ann a gcéimeanna féin a bhronnadh, ach go bhfuil siad páirteach i gcomhdhearadh agus/nó seachadadh clár a bhfuil gradam OÉ Gaillimh mar thoradh air

Ní áirítear **malartuithe mac léinn, socrúcháin ná intéirneachtaí** faoin bpolasaí seo.

2.1 Tionscnamh agus Forbairt

Is príomhthionscnamh straitéiseach do Scoileanna, do Choláistí agus don Ollscoil iad comhpháirtíochtaí comhoibríocha agus ní mór go mbeadh baint ag an Meabhránaí agus/nó ag an Déan leo ag tús na forbartha. Ní mór do Rúnaí na hOllscoile agus don oifig dlí agus don Oifig Feabhais a bheith páirteach freisin sula ndéanfar aon chomhaontú i scríbhinn nó ó bhéal. Sainmhínítear comhpháirtíochtaí comhoibríocha go foirmiúil i Meabhrán Tuisceana (MOU) nó i Meabhrán Comhaontaithe (MOA). Ní mór sonraí MOU/MOA a fhorbairt i gcomhairle leis na príomhpháirtithe leasmhara uile a luaitear thuas.

2.2 Comhpháirtíochtaí Comhoibríocha a cheadú

Ní mór faomhadh ón gComhairle Acadúil de ghnáth a bheith ag comhpháirtíochtaí comhoibríocha. Is féidir leis an Meabhránaí cinneadh a dhéanamh an féidir leis an Déan roinnt comhaontuithe (e.g. comhaontuithe idirghníomhaíochta agus comhchéimeanna) a fhaomhadh trí ghnáthchoistí faofa clár 'neamhspleách' (e.g. Boird na gColáistí, an Chomhairle Acadúil, etc.).

2.3 Treoirínte Mionsonraithe

Tá treoiríníte mionsonraithe, ar ghlac OÉ Gaillimh leo mar chuid den pholasaí seo, chun comhpháirtíochtaí comhoibríocha a bhunú agus a athbhreithniú, le fáil sna polasaithe agus sna treoiríníte seachtracha seo a leanas (tá MOE/MOA samplacha le fáil sna treoiríníte seo) agus ba chóir breathnú orthu sula lorgáítear faomhadh:

- *“Polasaí do Chláir Chomhoibríocha, Cláir Thrasnáisiúnta agus Comhdhámhachtainí”* (QQI, 2012).
- *“Treoiríníte maidir le Faomhadh, Monatóireacht agus Athbhreithniú ar Sholáthar Comhoibríoch agus Trasnáisiúnta”* (IHEQN, 2013) – le treoiríníte maidir le MOU/MOA a fhorbairt.
- *“An tAcht um Cháilíochtaí agus Dearbhú Cáilíochta (Oideachas agus Oiliúint), 2012”*.

2.4 Athbhreithniú ar Chomhpháirtíochtaí Comhoibríocha

Ní mór do Bhord na Scoile agus do Bhord an Chláir, in OÉ Gaillimh, gach comhpháirtíocht chomhoibríoch a athbhreithniú uair amháin ar a laghad gach seacht mbliana, seachas iad siúd a shainmhínítear mar Sholáthraithe Nasctha (féach thíos). Féadfaidh scoileanna an próiseas athbhreithnithe atá leagtha amach sa pholasaí a leanúint: '**QA006 Athbhreithniú ar Chláir Mhúinte**' a mholann athbhreithneoir neamhspleách a úsáid mar scrúdaitheoir seachtrach de ghnáth. I measc na n-athbhreithneoirí eile beidh comhaltaí Bhord an Chláir agus saineolaithe agus comhairleoirí eile ón Ollscoil. Tá an Oifig Feabhais ar fáil le comhairle agus cúnaimh eile a thabhairt don athbhreithniú.

Ní mór don Oifig Feabhais athbhreithniú a dhéanamh ar chomhpháirtíochtaí comhoibríocha a shainmhínítear mar **Sholáthraithe Nasctha** i gcomhairle le Bo(i)rd an Chláir. Tá athbhreithniú na hOifige Feabhais ar Sholáthraithe Nasctha clúdaithe go sonrach ag an bpolasaí: '**QA009 Athbhreithniú ar Sholáthraithe Nasctha**'.

Féadfaidh Stiúrthóirí Cláir agus ionadaithe eile sa Scoil, sa Choláiste nó san Ollscoil athbhreithniú a dhéanamh ar chomhpháirtíochtaí comhoibríocha a bhfuil níos mó ná clár amháin iontu, chomh maith le hathbhreithniú neamhspleách a bhfuil cur síos air thuas. Tá an Oifig Feabhais ar fáil le comhairle agus cúnaimh eile a chur ar fáil in athbhreithniú den chineál sin.

2.5 Taifead ar Chomhpháirtíochtaí Comhoibríocha

Ní mór sonraí na gComhpháirtíochtaí Comhoibríocha go léir a chur ar taifead agus a choinneáil i **stór** a bhainistíonn an Oifig Feabhais agus iad a chur ar fáil ar láithreán gréasáin na hOifige Feabhais. Ní mór cóip de gach MOU/MOA a chur ar aghaidh chuig an Oifig Feabhais agus a chur ar fáil sa stór.

2.6 Rannpháirtíocht na Mac Léinn

Féachtar ar mhic léinn mar chomhpháirtithe i bpobal foghlama a bhfuil na cearta agus na freagrachtaí céanna acu a bheadh ag saoránacht dhaonlathach. Ní mór do mhic léinn a bheith páirteach i ngach céim lárnach den phróiseas athbhreithnithe, lena n-áirítear:

- Meastóireacht rialta ó Mhic Léinn ar Theagasc ar mhodúil agus ar chláir araon
- Céim an Fhéinmheasúnaithe den Athbhreithniú Feabhais
- Mar phríomhghrúpa leasmhar le cur faoi agallamh ag Athbhreithneoirí le linn na Cuirte Athbhreithnithe

3.0 Freagrachtaí

Ainm	Freagracht
AMT	Úinéir polasaí
Bord an Choláiste, na Scoile nó an Chláir	An comhaontú comhpháirtíochta comhoibríoch agus an t-athbhreithniú tréimhsiúil a chur i bhfeidhm seachas ar Sholáthraithe Nasctha

An Oifig Feabhais	Athbhreithniú tréimhsiúil ar Sholáthraithe Nasctha agus stór na gcomhpháirtíochtaí a choinneáil
Comhpháirtí Comhoibríoch	Polasaithe agus Nósanna Imeachta OÉ Gaillimh a chomhlíonadh, lena n-áirítear caighdeáin agus treoirlínte seachtracha

*Féach an **Stór P&P** ar **láithreán gréasáin na hOifige Feabhais** chun polasaithe, nósanna imeachta, rialacháin agus treoirlínte eile a fheiceáil*